



四川通志卷四十六

輿地志

四十五

陵墓

三

夔州府

奉節縣

附郭

周楚故陵在縣西接雲陽縣界

水經注江水經故陵北江側有六大墳庾

仲雍曰楚都丹陽所葬因以故陵為名

漢甘夫人墓在府署內

入蜀記夔州治在甘夫人墓西南元統志墓在府治內鎮

峽堂後即昭烈皇后也考蜀志甘后卒葬南郡章武二年追諡皇思夫人遷葬於蜀未至而先主崩

丞相亮上言皇思夫人神柩以到梓宮在道陵園
將成安厝有期時與太常臣賴恭等議子以母貴
皇思夫人宜有尊號按諡法宜曰昭烈皇后與皇
帝合葬制曰可按甘皇后自合葬惠陵不宜有墓
在夔然先主殂於永安宮或遷自南郡之時適國
有大故暫安以待園陵之成理亦有之故但相傳
曰甘夫人墓而不曰昭烈皇后也

國朝吳省欽詩海水羣飛曰江陵遠遁年英雄螭重棄
妃御管徽傳繡襦看終脫金釵喜竝全數踰長坂
盡運劇下邳遭是歲荊州領新婦子系連易驚刀
婢健應念玉人賢藏骨違巴地歸魂黯楚天冊稱
虛未受輜載耀分編暴室崩差免鴻溝質未旋佩
環聽寂寞綃帳記纏綿魚武偏師返龍顏不豫延
頓教音樂過曾具禮儀遷先墓忘之矣庸兒信有
焉言芳夔壁後齋恨蜀都前補獺吳矜寵盤蛇鄴
效妍漢家榮后紀萬古慰寒泉

明邵仲祿墓在縣東北六十里香山寺後官至侍郎

余郁墓在縣西洪武中以御史外謫卒葬於此

國朝傳作楫墓在縣西四里官左副都御史

譚譯墓在縣西南六十里官刑部主事

巫山縣

周楚王墓在縣東郊細腰宮旁墓前有池相傳爲楚

王池

晉將軍墓名姓失考疑卽周撫墓極溫有碑

唐張滂墓在縣東橋子溪旁官至給事中

孫浦墓在縣治崇峯寺前官孔目

明康茂才墓在縣西南八十里官大將軍洪武初領
兵征明昇被流石中傷卒葬於金沙灘卽今之大
溪口也碑石現存

王文義母墓在縣西門外會仙橋溪旁有水卽當
年文義之孝感泉也四時不竭挹注者皆取資焉
韓將軍墓在廢大昌縣西十里碑石不辨人代失
攷

狀元墓在廢大昌縣北二十里水口堡相傳爲狀
元墓年代失考

雲陽縣

漢扶嘉墓在縣北三十里

唐李遠墓在縣西五峯麓大中閒建州刺史

宋邵嗣翁墓在縣北演易堂前

明李應鳳墓在縣西

國朝鄒錫彤墓在縣治盤沱卒官迤東道本涪州人遂

卜葬於此

萬縣

唐冉仁才墓在縣西廢武寧縣東十三里

明統志嘉靖二十年

西陽宣撫司嗣孫元奉詔重修墓旁華表書潛德
重光四字附明高公韶銘公諱仁才字徵文資性
英勇大業末以功授通議大夫義寧二年平綠郎
有功秩金紫光祿大夫涇州刺史封巫山公武德
二年詔加前開國食邑持節浦州刺史貞觀六年
遷澧州永徽二年入朝優詔遷使持節永州刺史
三年九月卒於任年五十六計聞賻賻有加太常
放行節惠諡曰果五年歸葬萬州南浦之萬輔山
舊有龍朔閒碑一統志可攷也銘曰冉氏之先代
稱有人系序既遠孰爲疎親至於隆陽信州是因
梁有內率雲麾世臣以及於隋開國平城招諭黔
州思夷功成封守振業莊肅易名乃誕賢允英武
且明綠郎糾聚倏如鳥蟻唾手勦平進秩金紫出
領涇州諸將刺史迨於有唐五州馴理優詔遷永
使節獨荷勞勩既豐專城嘯坐將星忽隕物故出
叵好力勁勇節惠諡果恤典有功賜葬南浦亦有
豐碑照耀萬輔中遭蜀難毀於風雨子姓世傳是
信家譜承家之善河洲騰芳傳世十六發於西陽

歷宋迄今永保封疆吁嗟果公德厚流光我明龍
興覃此隆恩起於載廢有此令孫忠孝大節垂裕
後昆作此銘章表於墓門

開縣

明嚴觀民墓在縣西永樂中太守卒葬此

大寧縣

明譚啟墓邑進士嘉靖閒官至浙江巡撫

龍安府

宋平武縣

附郭

梁李龍遷墓在縣東南一百二十里舊州城西詳見

祠廟

宋羅仁羅先墓在縣東鼇盤山兄弟兩侍郎合葬人
呼爲雙鳳侍郎墓

許鼎墓在縣治牛心山官至尚書

孫貴墓在縣東五里

明任待制墓在縣東北夏家溝名無攷

袁烈婦墓在縣東南一百二十里生員嚴庸之妻

與夫合葬墓前有旌表坊

薛嚴墓在縣東十五里謝村

薛文勝墓在縣東五里長春山勝襲龍州知州以
平夷功陞安撫司卒葬此

薛忠義墓在縣東三十里琴臺山以平番功加宣
撫司卒葬此

國朝丁山墓在縣東三里木栗城山官河北鎮總兵歸
葬此

李應貴墓在縣南三里臺子山官福建汀州鎮總
兵征海寇陣亡

諭賜祭葬

江油縣

唐陳該墓在縣治竇圖山

附唐陳子昂銘君諱該字彥表綿州顯武人也其先

自潁州遷蜀矣曾祖某祖某考永貴皆養高不仕君少好學能屬文上元元年州貢進士對策高第釋褐授將仕郎其明年制敕天下大儒司屬少卿楊守納薦君應詞殫文律對策高第勅授茂州石泉縣主簿開耀元年制舉太子舍人司議郎太府少卿元知讓應制薦君於朝堂對策高第敕授隆州蒼谿縣主簿垂拱四年又應制學綜古今對策高第敕授懷州河內縣尉凡歷所職皆以清廉仁愛著聞有周革命天授二年恩敕自河內追入閣供奉居未期年不幸遇疾於神都積善坊考終厥命時年六十三歸葬於竇圖山之陽原禮也古人有云飾顏夷之行不逢青雲之士而聲名磨滅者有之矣嗚呼我陳君敦懿元默浩清溫良豐道執恕好古博學恂恂焉行高職卑不改其操

優祿

薄不怨於天四舉有道三歷下位晏如也非諄諄
淑人其誰能涅此而不渝哉夫知命可謂君子矣
丹書不藏於天府青史不昭於方冊於戲一絕故
老之口孰知夫子之賢哉吾與君族人也能服美
其德尚矣昔子雲稱李元常璿敘令伯皆歿而不
朽後世稱之斯非若人之徒歟吾豈默而無述其
銘曰閭閻君子好斯文兮縉藻盤章潛卿雲兮棲
遲下位允升聞兮金署玉堂見吾君兮鸞階鴻漸
期子氛兮鐘鳴漏盡竟蘭焚兮儒行墨節將何云
今恭承遺言立石人兮金刻丹書記歲辰兮青龍
甲午銘茲墳兮

明張文葵墓在縣西三十里下莊壩官刺史

張樂鄉墓在縣西三十里下莊壩官刺史

文理墓在縣治金盤溪官江油縣知縣

國朝洪畧墓在縣北五里天柱山官驍騎將軍

李廷明墓在縣東八十里長坪官昭勇將軍

孝子甯愚墓在縣東十五里安坪壩

石泉縣

明孝子李嘉墓在縣東奎星山下

彰明縣

漢李膺墓在縣西北三十里石馬山荒谷中

寰宇記在州西

南四十里膺涪城人爲益州太守卽作益州記者
縣志彰人相傳舊時曾於石馬山荒谷中見有巨
碑題漢校尉李元禮之墓地在城西北三十里而
龍門寺之得名亦以元禮故綿州志則載在商北

朝之李膺墓在治西南二十五里陳謀論曰余初過龍門寺卽問寺所由名僉曰以地近李膺墓故且謂石馬山曾有題碣竊喜高山之仰企也然不能無疑旣而閱綿志則有同名之公輔實寔彰境綿彰密邇其傳必有所自矣若元禮潁川人也而斃於黨錮之獄其不得寔於斯明矣卽果有題碣恐亦好事者之所爲耳及細閱范史有膺之門人景顧者梓潼人也其父毅責其不與師難因白表免歸當膺罹患時妻子徙邊門生故吏皆被株連顧獨無恙或者激於無歸我殯之義以抒其所在致死之誠是殆未可知與夫元禮灑氣盈天下何論首邱第有墓之鄉人皆景仰興起人心爲益匪淺余觀歷古來一人而兩傳其地者每竝存不廢鳴條蒼梧萍野首陽其較著者矣則一地而兩傳其人亦無庸致疑也

唐李月圓墓在縣西二十里隴西院旁

文林

明張百歲墓在縣西二十里涂家濠官文林郎

張北溟墓在縣西二十里涂家濠官學正

張南溟墓在縣西二十里涂家濠官登仕郎俗名

狀元墓據碑記係狀元劉若宰所題

賈尙志墓在縣東十里鐸嘴山由進士歷官至雲

南曲靖府知府

苟誠墓在縣東十五里官郎中

寧遠府

西昌縣

附郭

唐鄭世翼墓

元軹墓

按唐書二人俱流死嶠州父老相傳墓在城外然碣斷碑殘不可考矣

明宋儉墓在縣東二十里

高明墓名見忠義在縣南二十里

冕寧縣

明忠節陳三樂墓

鹽源縣

明孝廉黃景墓

會理州

大冢在州南

寰宇記會川縣有冢武侯軍此士卒遭疫癘以冢葬之

明劉瓚墓在州東五里東山明宏治乙丑進士官至雲南布政司參政致仕歸歿葬於此

明高翀墓在州西五里西山明正德年任貴州定遠縣知縣陞郎中轉榮府長史致仕歸歿葬於此

越雋廳

明王孝女墓

在縣西姑姑寺萬歷間人

雅州府

雅安縣

附郭